

শবে মি'রাজের সঠিক তারিখ

আবু বকর মোহাম্মদ সালেহ্

রাসূল (ﷺ) 'র মি'রাজ হলো ২৭ই রজব বা ২৬-ই রজব দিবাগত রাত। এ মতটিই সুপ্রসিদ্ধ ও অধিক গ্রহণযোগ্য। অথচ শ্রদ্ধেয় ড. আব্দুল্লাহ জাহাঙ্গীর স্যার (رحمة الله), যুগে যুগে মুসলিম মনীষীদের কাছে সুপ্রসিদ্ধ এই মতকে ভিত্তিহীন বলে আখ্যা দিয়েছেন। স্যারের এই কথা দলিলের আলোকে আমরা যাচাই করে দেখবো।

□ #আল্লামা বদরুদ্দীন মাহমুদ আইনী (رحمة الله) বলেন-

كَانَ الْإِسْرَاءُ لَيْلَةَ السَّابِعِ وَالْعِشْرِينَ مِنْ رَجَبٍ

-“রাসূল (ﷺ) 'র ইসরা ভ্রমণ বা মি'রাজ ২৭ই রজব হয়েছিল।”^১
বিশ্বের মুসলিম সমাজের সর্বত্র এ মতই সমধিক সুপ্রসিদ্ধ ও সুপরিচিত।

□ #বিখ্যাত ইতিহাসবিদ, সকল শ্রেণীর ওলামা-মাশায়েখের নিকট মান্যবড় আল্লামা আবুল ফিদা ইবনে কাসির (رحمة الله) তার একাধিক বিখ্যাত গ্রন্থে উল্লেখ করেন-

أَنَّ الْإِسْرَاءَ كَانَ لَيْلَةَ السَّابِعِ وَالْعِشْرِينَ مِنْ رَجَبٍ وَاللَّهُ أَعْلَمُ

“অবশ্যই মি'রাজ সংগঠিত হয়েছে রজব মাসের ২৭ তারিখ। মহান রব আল্লাহ তা'য়ালাই ভাল জানেন।”^২

□ #ইমাম কাস্তালানী (رحمة الله) উল্লেখ করেন-

كان ليلة السابع والعشرين من رجب، واختاره الحافظ عبد الغني بن سرور المقدسي

-“রাসূল (ﷺ)-এর মি'রাজ ২৭ই রজব হয়েছিল। ইমাম হাফেযুল হাদিস আব্দুল গনী বিন সন্নর মাকদেসী (رحمة الله) এ মতকে অধিক গ্রহণযোগ্য বলে মত প্রকাশ করেছেন।”^৩

□ #ইমাম জুরকানী (رحمة الله) অনুরূপ মতামত পেশ করেছেন। ইমাম কাস্তালানী (رحمة الله)-এর মতকে ব্যাখ্যা করে লিখেন-

كان ليلة السابع والعشرين من رجب وعليه عمل الناس، قال بعضهم: وهو الأقوى

-“রাসূল (ﷺ)-এর মিরাজ ২৭ই রজব হয়েছিল। আর এর উপরেই মুসলমানগণের আমল অব্যাহত। অনেক উলামাগণ বলেছেন যে, এটিই শক্তিশালী অভিমত।” ৪

□ #ইমাম ইবনে জাওয়াযী (ওফাত. ৫৯৭ হি.) লিখেন-

كان ليلة سبع وعشرين من رجب

-“রাসূল (ﷺ)-এর মিরাজ ২৭ই রজব হয়েছিল।” ৫

□ #শায়খ মুহাম্মদ বিন তৈয়্যাব নাজ্জার (رحمة الله) লিখেন-

وفي الليلة السابعة والعشرين من شهر رجب كما هو المشهور

-“রাসূল (ﷺ)-এর মিরাজ হয়ে ছিল রজব মাসের ২৭ তারিখ, আর এটিই সুপ্রসিদ্ধ অভিমত।” ৬

□ #আল্লামা সফিউর রহমান মোবারকপুরী লিখেন-

كان ليلة السابع والعشرين من شهر رجب سنة ١٠ من النبوة، واختاره العلامة المنصور فوري

“রাসূল (ﷺ)-এর মিরাজ হয়েছিল নবুয়তের দশম বছর রজব মাসের ২৭ তারিখ, প্রখ্যাত ঐতিহাসিক আল্লামা মানসূরপুরী (رحمة الله) এ মতকে অধিক পছন্দনীয় বলেছেন।” ৭

□ #দেওবন্দী ঐতিহাসিক মাওলানা আবুল হাসান নদভী লিখেন-

والمشهور أن الإسراء كان في الليلة السابعة والعشرين من شهر رجب، وقد اختاره الحافظ ابن سرور المقدسي
-“প্রসিদ্ধ হচ্ছে নিশ্চয় রাসূল (ﷺ)-এর মিরাজ হয়ে ছিল রজব মাসের ২৭ তারিখ, প্রখ্যাত ঐতিহাসিক আল্লামা হাফেয ইবনে সূরুর মাকদেসী (رحمة الله) এ মতকে অধিক পছন্দনীয় বা গ্রহণযোগ্য বলেছেন।” ৮

সুতরাং দলিলের আলোকে বিষয়টি স্পষ্ট হয়ে গেল যে, পবিত্র শবে মিরাজ ২৭ তারিখ সংঘটিত হয়েছে এটা কোন বানোয়াট বা ভিত্তিহীন কথা নয়। অতএব স্যারের মন্তব্যকে আমরা বিনয়ের সাথে এড়িয়ে যাবো।

□ #তথ্যসূত্র:

১. আইনী, উমদাতুল ক্বারী, ৪/৩৯ পৃ. দারু ইহইয়াউত্-তুরাসুল আরাবী, বইরুত, লেবানন।
২. ইবনে কাসির, আল-বেদায়া ওয়ান নিহায়া, ৩/১৩৫ পৃ. দারু ইহইয়াউত্-তুরাসুল আরাবী, বইরুত, লেবানন, সিরাতে নববিয়্যাহ, ২/৯৩ পৃ.।
৩. কাস্তাল্লানী, মাওয়াহেবুল লাদুন্নিয়া, ১/১৬২ পৃ. দারু ইহইয়াউত্-তুরাসুল আরাবী, বইরুত, লেবানন।
৪. জুরকানী, শরহুল মাওয়াহেবুল লাদুন্নিয়া, ২/৭১ পৃ. দারুল কুতুব ইলমিয়্যাহ, বইরুত, লেবানন।
৫. ইবনে জাওয়াযী, আল-মুনতাহিম ফি তারিখুল উমুম ওয়াল মুলক, ৩/২৬ পৃ., দারুল কুতুব ইলমিয়্যাহ, বইরুত, লেবানন।
৬. কওলুল মুবীন ফি সীরাতে সাযিদিদিল মুরসালীন, ১/১৫৩ পৃ.।
৭. আর-রাহিকুল মাখতুম, ১/১২৪ পৃ.।
৮. নদভী, সিরাতে নববিয়্যাহ, ২১৭ পৃ., দারু ইবনে কাসির, দামেস্ক, সিরিয়া, দ্বিতীয় প্রকাশ. ১৪২৫ হি.।